

ՍԱՐԿԱՎԱԳԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ ԵՎ ՍՏԵՓԱՆՈՍ ՆԱԽԱՍԱՐԿԱՎԱԳԻՆ ՆՎԻՐՎԱԾ ԵՐԵԿՈՒՅԹ ՀՈԳԵՎՈՐ ՃԵՄԱՐԱՆԻ ՍՐԱՀՈՒՄ

Ներշնչման աղբյուր են Բրիստոսաճիվն Եկեղեցվո սրբերը և մահատակ մարտիկները, որոնց ամենամյա ոգեկոչումը կատարելով՝ զինվորյալ եկեղեցում հավատացյալները հաղորդակցվում են մրամց կյանքին և սրբազան առաքելությանը:

Բրիստոնեական եկեղեցու առաջին մահատակի՝ Սուրբ Ստեփանոս Նախավկայի հիշատակն էր տոնախմբում Հայաստանյայց Առաքելական Սուրբ Եկեղեցին դեկտեմբերի 24-ին՝ հանդիսավոր շքեղությամբ: Օրվա տոնի պատճառած ուրախությունն ու քերկրանքը, սակայն, կրկնապատկվում էին այն իրողությամբ, որ Հոգևոր Ծննդարանի V I լսարանի յոթ կիսասարկավագներ պետք է ստանային սարկավագության աստիճան:



Չրաժարման պահին

Սուրբ Պատարագը սկսվեց ժամը 10.30-ին: Պատարագիչն էր Հոգեշնորհ Տ. Հայկազուն Ժ. վրդ. Նաջարյանը: Ս. Պատարագի ընթացքում սուրբգրային ընթերցումներից առաջ ձեռնադրության կոչվածները սաղմոսների արտասանության մերժո ծնկալոք բարձրացան Ս. Ստեփանոսի խորան: Ձեռնադրող սրբազան հոր՝ Տ. Հուսիկ արքեպիսկոպոս Սանթրույանի հանդիսապետությամբ և հոգեշնորհ Տ. Ամուշավան արքեպ. Ժամկոչյանի խաղտավիակությամբ կատարված արարողության ընթացքում սպասավորության կոչվածները ունկնդրեցին սրբազան հոր ընթերցած աղոթքները, որոնցում «մահաւոր եւ սոսկալի» պաշտոնին ընծայվելու պատրաստվածությունն ունեցած ընտրյալներից

սրբազան պատգամներ էին հայտնվում: Ապա ձեռնադրող սրբազան հայրը ձեռնադրյալներին հաճձնեց սարկավագության աստիճան խորհրդանշող «զսուրբ ուրարն», «զԱւետարանն» և «զբուրվառն» ի բուրել հօտ անուշութեան»:

Հավարտ ձեռնադրության, մորընձամբին իր հորդորամքի և ծառայասիրության պատգամը հղեց օրվա պատարագիչ Հայկազուն ծ. վրդ. Նաջարյանը՝ շնորհավորելով թե՛ մոր ձեռնադրվածներին և թե՛ ամբողջ միաբանությանը:

Պատարագի ավարտից հետո Մայր Աթոռի սարկավագաց դասը Հուսիկ արքեպիսկոպոս Սանթրույանի և Հայկազուն ծ. վրդ. Նաջարյանի գլխավորությամբ այցելեց Վեհարան, ուր Վեհափառ Հայրապետը շնորհավորեց և իր հովվապետական պատգամը տվեց մրանց, ապա բաժանեց հուշանվերներ:

Սարկավագական ձեռնադրությունը ստացան.

Հարություն սարկավագ Հարությունյանը ծնվել է 1975 թվականի սեպտեմբերի 9-ին Երևան քաղաքում: Սովորել է թիվ 164 միջնակարգ դպրոցում: Այն ավարտել է 1990 թվականին և մույն տարին ընդունվել Մայր Աթոռ Ս. Էջմիածնի Հոգևոր ճեմարան: 1996 թվականի դեկտեմբերի 24-ին՝ Ս. Ստեփանոսի տոնին, ձեռամբ Գերաշնորհ Տ. Հուսիկ Արք. Սանթրույանի, ձեռնադրվել է սարկավագ:

Վարդան սարկավագ Հարությունյանը ծնվել է 1973 թվականի հոկտեմբերի 16-ին Էջմիածին քաղաքում: 1980 թվականին ընդունվել է թիվ 5 միջնակարգ դպրոցը: Այն ավարտել է 1990 թվականին և մույն տարին ընդունվել Մայր Աթոռ Ս. Էջմիածնի Հոգևոր ճեմարան: 1996 թվականի դեկտեմբերի 24-ին՝ Ս. Ստեփանոսի տոնին, ձեռամբ Գերաշնորհ Տ. Հուսիկ Արք. Սանթրույանի, ձեռնադրվել է սարկավագ:

Վահան սարկավագ Զաքարյանը ծնվել է 1973 թվականին Երևան քաղաքում: 1979 թվականին ընդունվել է տեղի թիվ 52 միջնակարգ դպրոցը: Այնուհետև 8-րդ դասարանին ընդունվել է համար 10 խրիմյան Հայրիկի անվան հայագիտական թեքումով դպրոցը, որն էլ ավարտել է 1990 թվականին: Նույն տարում ընդունվել Մայր Աթոռ Ս. Էջմիածնի Հոգևոր ճեմարան: 1993-94 թթ. ծառայել է հայկական բանակում: 1994 թվականին շարունակել է ուսումը Հոգևոր ճեմարանում: 1996 թվականի դեկտեմբերի 24-ին՝ Ս. Ստեփանոսի տոնին, ձեռամբ Գերաշնորհ Տ. Հուսիկ Արք. Սանթրույանի, ձեռնադրվել է սարկավագ:

Արարատ սարկավագ Գափոյանը ծնվել է Արարատի մարզի Ավշար գյուղում 1973 թվականի ապրիլի 14-ին: Սովորել է տեղի միջնակարգ դպրոցում 1979-1990 թթ.: 1990 թվականին ընդունվել է Մայր Աթոռ Ս. Էջմիածնի Հոգևոր ճեմարան: 1996 թվականի դեկտեմբերի 24-ին՝ Ս. Ստեփանոսի տոնին, ձեռամբ Գերաշնորհ Տ. Հուսիկ Արք. Սանթրույանի, ձեռնադրվել է սարկավագ:

Սամվել սարկավագ Սիմոնյանը ծնվել է 1978 թվականի մարտի 6-ին Էջմիածին քաղաքում: Սովորել է տեղի թիվ 1 միջնակարգ դպրոցում: Այն

ավարտել է 1990 թվականին և նույն տարին ընդունվել Մայր Աթոռ Ս. Էջմիածնի Հոգևոր ճեմարան: 1996 թվականի դեկտեմբերի 24-ին՝ Ս. Ստեփանոսի տոնին, ձեռամբ Գերաշնորհ Տ. Հուսիկ Արք. Սամթուրյանի, ձեռնադրվել է սարկավագ:

Հենց սարկավագ Գրիգորյանը ծնվել է 1973 թվականի Ռոկոտեմբերի 23-ին Բաքու քաղաքում: 1979 թվականին ընդունվել է Էջմիածնի թիվ 5 միջնակարգ դպրոցը և ավարտել 1990 թվականին: Նույն թվականին ընդունվել է Մայր Աթոռ Ս. Էջմիածնի Հոգևոր ճեմարան: 1992-94 թթ. ծառայել է Ռայկական բանակում: 1996 թվականի դեկտեմբերի 24-ին՝ Ս. Ստեփանոսի տոնին, ձեռամբ Գերաշնորհ Տ. Հուսիկ Արք. Սամթուրյանի, ձեռնադրվել է սարկավագ:

Արթուր սարկավագ Ղևոնդյանը ծնվել է 1972 թվականի Ռոկոտեմբերի 12-ին Արտաշատ քաղաքում: 1979 թվականին ընդունվել է տեղի Հովհաննես Թումանյանի անվան թիվ 2 միջնակարգ դպրոցը և ավարտել 1990 թվականին: Նույն տարում ընդունվել է Մայր Աթոռ Ս. Էջմիածնի Հոգևոր ճեմարան: 1996 թվականի դեկտեմբերի 24-ին՝ Ս. Ստեփանոսի տոնին, ձեռամբ Գերաշնորհ Տ. Հուսիկ Արք. Սամթուրյանի, ձեռնադրվել է սարկավագ:



Իսկ երեկոյան ժամը 19.00-ին Հոգևոր ճեմարանի Ռանդիսությանց սրահում տեղի ունեցավ Ս. Ստեփանոսին նվիրված մեծարման համոդես-երեկո:

Երեկոն նախագահում էր Ն.Ս.Օ.Տ.Տ. Գարեգին Ա. Կաթողիկոսը՝ մասնակցությամբ Արարատյան Հայրապետական թեմի առաջնորդական փոխանորդ Տ. Գարեգին արքեպիսկոպոս Ներսիսյանի, Օիրակի թեմի առաջնորդ Տ. Գրիգորիս արքեպիսկոպոս Բուճիսթյանի, Հոգևոր ճեմարանի տեսուչ Տ. Հայկազուն Ծ. վրդ. Նաջարյանի, Ռոզևոր Բայրերի և այլոց:

Սարկավագների պատրաստած գեղարվեստական գեղեցիկ ծրագրի ներկայացումը սկսվեց «Տերունական աղոթք»-ով, որին հաջորդեց ճեմարանի քայլերգը: Այա Արմեն սրկ. խաչատրյանը Վեհափառի թույլտվությամբ Ռանդիսությունը բացված համարեց: Այնուհետև սարկավագները ունկնդիրներին բարձր դրամատիզմով մատուցեցին Ստեփանոս Նախավկայի կյանքի կարևորագույն դրվագները «Գործք առաքելոց» գրքից, որոնք մերթ ընդ մերթ ընդմիջվում էին Մ. Եկմալյանի «Ամեն Հայր Սուրբ» մեղեդու քաղցրահնչուն ելեջներով /հատվածները ըմբերեցեցին Հրամտ սրկ. Պետրոսյանը, Արարատ սրկ. Չոփուրյանը, Ադամ սրկ. Տոնիկյանը: Իսկ «Ամեն Հայր Սուրբ» մեղեդին մենթրագեցին Արմեն սրկ. Մարկոսյանը, Արմեն սրկ. խաչատրյանը, Հարություն սրկ. Կարապետյանը/:

Սարկավագներից երկուսը՝ Տիգրան սրկ. Գափոյանը և Հարություն սրկ. Սարիբեկյանը, բանախոսություններ էին պատրաստել օրվա տոնի կապակցությամբ: Բարեշնորհ սպասավորները իրենց բանախոսություններում ուշադրություն էին հրավիրել հատկապես սարկավագության դերի, ճշմանկության, գործունեության ոլորտների վրա, և արժեքավոր մատենագրական տեղեկություն-

մերով ցույց տվեցին մի քանի մշամավոր սարկավագների մերդրումները քրիստոնեության զարգացման պատմության մեջ: Ս. Ստեփանոսին ընծայված հարգանքի այս միջոցառումն ամբողջացավ, երբ սարկավագաց դասի կողմից կատարվեց նախաձև սարկավագին մերբողված գեղեցկահյուս երգը՝ «Ստեփանոս քաղցրիկ տատրակ», որին հաջորդեց Արտակ սրկ. Լոռեցյանի ասմունքը /Սիամանթո, «Սուրբին աղոթքը»/՝ «Տէր որորմեա»-ի շրթնային երգեցողության մերջո: Հանդիսության գեղարվեստական ծրագիրը փակեց Հարություն սրկ. Կարապետյանը՝ շվիով Կոմիտասի «Կաքավիկը» մերկայացնելով մերկաներին:

Հանդիսության ավարտին Վեճափառ Հայրապետն իր օրհնությունը և Հայրական խոսքը հղեց և՛ սարկավագներին, և՛ միաբաններին:

ԱՐՄԵՆ ՍՐԿ. ԽԱՉԱՏՐՅԱՆ